


海城縣志

地 410.33

39



海城縣志序

郡縣之有志猶乎家之有乘國之有史所以辨疆理詳沿革
風土人物戶口財賦之異同多寡爲司牧之先導者也自唐以
來尙矣

國朝設官咸襲明制知一郡之利病得失曰知府知一縣之利病
得失曰知縣知之爲義必徵諸掌故以探其本考諸時變以察
其末而後始終先後如視諸掌出而與士民圖幸福無異家人
婦子周旋一室之中語無弗詳情無弗達疾苦無弗知是焉得
謂志乘之末罔補於吏治哉關東爲歷代邊徼我

世祖章皇帝以武功統御六合留都重地沿守軍政制度治尙闕疏文
具勿備乾隆以降自

欽定盛京通志百二十卷外某州某邑紀載闕如日俄戰後官制革新

海城縣志序

行政性質之完密駸駸甲內地各行省生聚教訓治日繁劇采
摭釐訂以告來者此固負地方之責者所有事也就海邑言則
所重乎志者厥有數端析治畫壤界址屢更不可不志者一興
學設警庶績稱最不可不志者二新政經費地方稅額較贏於
鄰邑不可不志者三戰爭時代地非中立攸關於民瘼不可不
志者四歲丙午武進管公洛生宰斯土始詔鄉人士各輯所聞
以備斟酌錄丁未夏遷守奉天未竟厥功宜興陳大令漱六繼其
任督邑紳張文藻趙中鵠王壬林等續成之未付梓而去江右
高公樸齋因上其稿於民政使者未幾亦徙官僕之來距管公
之去兩載有餘陳公之去一載有餘高公則爲僕舊令尹耳僕
方欲步武三公之成規以期補於尺寸乃不數月而僕亦過班
去任矣今不付刊日久且散佚無存且援舊必告新之義僕任

事未久愧無芻獻爰竟斯役若以三公之告諸僕者告之後人
至於補苴而增益之竊有望於後來之造福斯土者

宣統元年四月既望升用知府署海城縣事會稽金衍海謹序

海城縣志
歷史

縣境

在唐虞爲營州北域禹貢爲青州北域周爲幽州北域屬朝鮮相傳爲箕子受封地秦屬遼東外徼漢平朝鮮置四郡本境屬元菟後改屬樂浪魏屬平州晉於析木城設縣屬元菟隋仍入高麗建沙卑城或訛爲卑奢城唐平高麗改沙卑城五代時陷入渤海國置南海府統三州六縣遼置海州南海軍統臨溟一縣耀濱二州聖宗廢南海府置海州以臨溟縣爲海州治金改澄州統臨溟析木二縣亦以臨溟爲州治元省州縣屬遼陽路明太祖時置海州衛隸遼東都指揮使司國朝順治十年置本境初隸遼陽府順治十四年改隸奉天府

海城縣志序

縣城

卽前明海州衛故址城本係土牆明洪武九年指揮劉成砌以磚周圍六里五十三步有奇高三丈四尺門四東曰鎮武南曰廣威西曰臨清北曰來遠池深一丈一尺闊三丈五尺另有小南門一國朝天命八年守將戒沙烏爾坤卽舊城東南隅建新城周二里百七十六步東仍舊城之鎮武門西二門南北各一門順治十年知縣王全忠復開拓之改爲南二門東西北各一門仍舊稱乾隆三十九年知縣李佩華再開廣門仍舊周圍八里三百四十步有奇

附注

牛莊城明置驛於此

國朝天命八年重修設城守周圍二里九十三步門三東德盛
西外攘北福勝

析木城漢望平縣地晉屬元菟渤海置花山縣遼改析木又置
銅州廣利軍城係土堡周圍二里三百三十六步東西二門
耀州城遼置金廢其城基周圍二里三百步南北二門
遼隊縣在縣城七十里三岔河東岸漢置金廢

地理

面積

南北百二十里東西百八十里周圍沿邊線曲折七百八十餘
里西南海岸線二十餘里全境計一萬七千二百方里

方位

在北緯四十度五十九分東經六度二十二分北緯自四十度

海城縣志序

二

三十四分之南界大石橋起至四十一度十分北界騰鰲堡止
東經自五度四十八分西桃園起至六度四十九分東大嶺止

氣候

全境氣候無甚差別寒暑進度亦無急劇之變異驗華氏表夏
季七十度至九十度冬季三十度或二十度不等東境地高距
海較遠晴多雨少城西四五十里濱河窪下暑雨秋霖常患潮
濕

形勢

本境東部多山西部多水中部北部地勢平衍爲本境農業地
山險如雲峰嶺扼東西孔道小孤山爲南北要衝均爲戰守必
爭之地附城各山四隅分峙可爲犄角之用城內厝石山俯視
坵城屯堡歷歷在目居高臨下形勢佔優勝地位

縣治

在縣境適中之地稍東偏北距省二百四十里治所設城內

交界

東至雲峯嶺九十里岫岩州鳳凰廳遼陽州接界

西至西桃園一百二十里廣寧縣接界

南至大石橋六十里蓋平縣接界

北至鞍山站六十里遼陽州接界

東北至台溝七十里遼陽州接界

西北至大高力房一百里新設遼中縣接界

西南至營口一百二十里蓋平縣接界

東南至小孤山九十里岫岩州接界

山脈

海城縣志序

三

本境正東東南山脈紛歧就主要者臚舉之

附城各山脈由城東攔河山起蜿蜒至城西團山子止
凡七小山列左

攔河山在縣治東南五里踞沙河北岸由東靈諸山脈分支山

脈斜迤而西鰲頭山俗稱玉皇山在城東南隅半里許

雙山子在城東北五里山脈至此一伏

歡喜嶺在城西北隅七里許

寧家山其形似魚又名魚山在城西三里許山多古蹟

團山子在城西六里許形如蟹又名蟹山

厝石山一名他山在城內東南隅盤亘半里許山前爲文廟儒

學公署山左爲娘娘廟今改建兩等學堂山右爲文昌閣今改

建公園山脊有保安寺今改建單級小學堂甲午之役日人於

山設礮臺據以固守

東北山脈由（摩雲山起）分三支南支南行曲折至紅崖崗止中支西北行曲折至湯池及新台子止北支北行蜿蜒至正北三鄉管飯寺止凡山十三列左

摩雲山在縣東北五十里由遼界雙塔嶺來脈

甕圈山在城東北三十五里山西爲前後茨溝

白家大嶺在城東北二十五里

紅崖崗在城東北二十里崗西卽煙台

白石寨山在城東四十八里山北卽白石寨村

石牌樓山在城東北四十八里嶺東有水西北流入裏遼河其山出礮磨石

三台溝山在城東北四十里

海城縣志

四

玉白莊山在城東北三十里

湯崗子山在城北四十里山東有溫泉沸如湯

鞍山在城北六十里北爲遼界山有洞極深邃

老虎山在城北五十六里

閔家山在城北五十五里騰鰲堡東

管飯寺山在城北四十里相傳唐太宗駐蹕山植棉花

寶石山在城北四十里係小土山

正東山脈皆發源（老礦山）分南北兩大支由東而西南支由盤嶺王官廠等山至滑石嶺丁家峪而止北支由小女寨至東靈北山城子而止凡山三十二列左

老礦山在城東六十八里極高峻盤亘六十餘里相傳產金銀

銅

盤嶺在城東六十里山路共十餘盤與遼南梨寶溝接界上有石門極險要僅容車一軌
道士帽山在城東五十里

雲長嶺在城東五十里一名老爺嶺其山產石絨最富

九道嶺在城東五十里向無車道近始修路行車

五鳳山在城東四十里山有古洞

元寶山在城東四十里山下卽樓房村有樓以藏內務府貢物
偏南有仙人溝爲周寬修道處

康家峪山在城東三十五里產石灰有灰窯六座

滑石嶺在城東三十里嶺北卽勒馬峪

王官廠山在城東六十里有金礦並有五色石

雙頂山在城東五十里山下卽朱紅峪村

海城縣志

五

吉魚山在城東四十八里南通道士帽山形如吉魚

材木溝在城東五十里鳴鐘寺在其東因山頂往往聞鐘聲

石鞍咀山在城東四十里馬風屯在其東山多怪石有鞍形故名

山咀子在城東四十里有古洞石穴

椅子山卽勒馬嶺南山在城東三十里

石門嶺在城東三十里山勢如門城東及東南諸山水會流下
歸沙河皆由石門經過作茶壺噴水狀一名老龍口

丁家嶺在城東十餘里

小女寨山在城東六十里山勢蜿蜒西通山咀子

太平嶺在城東三十五里山勢蔓延不斷山根有頭道溝土牛溝等小村落數處山口外爲上英阿村產砂金

二道嶺在城東二十五里與馬風屯山對峙中間有一嶺名嶺夾空

木柵紅嶺在城東二十五里嶺下卽木植河

鳳翔山在東靈北距城二十里卽尙王墳祖山

東靈山在城東二十里

高嶺在城東七十里

代千戶屯山在城東十里與欄河山相接

大台溝山在城東七十里

諸葛嶺在城東八十里嶺東遼界

什司縣山在城東六十五里河傳其山有石線數道

廟字嶺在城東八十里嶺東遼界

黑魚溝山在城東二十八里南卽下英阿

海城縣志

六

北山城子在城東二十五里

東南山脈其祖山有三一（雲峯嶺）其脈來自岫巖唐王山入境後由東而西分三支南支由潘堡至老牛寨村南止中支由石頭寨至接文寨止北支由苗塔寺至茅兒寺止一（小孤山）其脈在本境分二支由南而北北支至析木城村南止西支由哈達嶺至李瓦房村南山止一（海流斑山）其脈分二支東北支約北行十七八里至松樹溝西支由白土嶺西行蜿蜒北折至英城子等山止凡山二十四列左

雲峯嶺在城東南九十里山勢險峻上下數十里爲赴鳳岫必由孔道中東日俄之役皆爲險要

松樹溝山在城東南六十五里其山多石

老牛寨山在城東南五十五里山南爲岫界
接文寨山在城東南六十里山南面河

鶉鴿山在城東南六十里山有井及高麗城

苗塔寺在城東南五十五里與盤嶺相連

蟒洞峪山在城東南六十里山北有蟒洞三穴

臨峒峪在城東南四十里山南面河

代峒峪在城東南四十八里山極深邃甲午庚子居民多在此
避亂

楊家峪在城東南四十里

麻兒峪在城東南四十里

缸窰嶺在城東南三十五里出紅白土可燒琉璃瓦 盛京設
官監造

海城縣志

七

大隈山在城東南二十五里

梨樹溝山在城東南二十五里有煤礦未成

茅菴寺山在城東南十五里山頗幽勝春秋佳日人樂登臨

小孤山在城南東偏七十五里南爲蓋界之唐王山東爲岫界
之兄弟山三峯鼎峙一徑中通實本境南北要隘

溫家嶺在城南六十里嶺外抵河河東岫界

哈達嶺在城南七十里日俄之役日人曾設伏於此

海流斑山卽(龍川)在縣南偏東八十里其高度爲東南諸山
之最

八岔溝山在城南五十里

下房身山在城南五十五里

白土嶺在城南七十里海蓋分界地勢險要

鷹首山在城南五十里

佛溝山卽(佛爺溝)在城南五十五里山多柞樹有蠶廠

蔭子嶺山在城南四十里由佛爺溝山支出

三角山在城南三十五里尖峯聳立作三角形

城子山在城南三十里

正南山脉祖山有二一(青山)其脉自南而北至青山
懷分三支北支至水泉山止西支由白家嶺北折至秀
甲嶺止東北支由前後鶯落山至石塔寺止一(板石
山)其脉自蓋界聖水寺來入境後紆迴北行分二支
東北支由棗嶺北行經大嶺至雙泉寺止正北支由蔡
家溝蜿蜒北行至唐王山止凡山二十五列左

青山在城正南四十里盤亘平兒房西煙台等處

海城縣志

八

青山懷在城南三十六里山勢回抱故名

鶯落山在城南四十里

灰嶺在城南三十五里山有石灰礦

鐸子嶺在城南二十五里產石灰石

高家嶺在城南二十四里產石灰石

李嶺在城南二十三里

青龍山在城南二十里山巔有石塔山勢蜿蜒如游龍

水泉山在城南三十五里

白家嶺在城南四十五里

雙泉寺在城南二十里

板石山在城南六十三里山產青石板

鶯鵲溝在城南五十三里

大嶺在城南四十里

棗嶺在城南五十里出細石可鑄圖章

蔡家山在城南五十里

石棚峪在城南四十五里山有石棚如屋形

南盤嶺在城南三十里產砂金

昆盧寺在城南三十五里產砂金

傅家溝在城南二十里產砂金

金家口在城南二十里

唐王山在城南十里山多古蹟

西南路山脈皆發源於(岳州山)其脈由南而北綿延四十里至鄧家台而止凡十小山依次列左

岳州山在城西南六十里山有碧霞元君廟爲極盛會場

海城縣志

九

杏樹園在城西南六十里

豬龍山在城西南五十七里

金山嶺在城西南四十五里

雙頂山在城西南三十五里

牛頭山在城西南三十五里山有古刹

妙山台在城西南三十八里

樓子峪在城西南三十二里

花園小山在城西南三十里

鄧家山在城西南二十五里

水道

本境川流以遼河爲最其餘注遼溝河無慮數十處均分列於左

遼河源出長白西北諸窩集中爲赫爾蘇等河別一源出蒙古海喇喀山（在克什克騰部）東麓分流至新民府合爲巨流河經遼中至三黃地入本境東南行六七十里經三岔河口與北來之渾河太資河蛤蜊河會南流至營口入海渾河源出長白納綠窩集中西北流入英額邊門東流繞省城之西南折至遼陽小北河與太資河會合流至小河口入本境土人名裏遼河復南行過黃土坎與蛤蜊河會過蕭姬廟西南行至三岔河與外遼河合蛤蜊河由遼陽至三尖泡西入本境南行六七十里至黃土坎與渾河會

楊柳河（卽附城南沙河）其源出岫界分水嶺與縣境之雲峯嶺栗子園三水分流至析木城合而西北流至石門嶺有王官

海城縣志

十

廠小女寨之山水來會衆流澎湃由城西南隅蜿蜒而西至牛莊東南黃家村分二支一繞城之東而北至蕭姬廟入裏遼河一繞城南折向西北流入響水溜汗澤中一由城西南隅又分一支西行至八家子豬爲澤河水清淺不利行舟夏令山水漲發牛莊迤北瀕遼處尙可通行舟楫河西麥熟居民多用船沂流而上至牛莊貿易

八里河源出東南水泉麓向北流經老爺廟村南折向西北歷八家寨子山後至坯廠與傅家溝南來一支水會而西流經柳公屯至藍旂口西南緒爲澤

上夾河源出正南盤嶺北流十餘里至塔山堡與兩家寨南來之水會歷鄧家台上夾河至于官屯分二支一西北流入蓮花泡一西流直趨滾子泡大澤中蓮花泡在縣西南四十里滾子

各村屯一覽表

正東一鄉	統計	鄉名	
		別五百戶以上	三百戶以上
朱什	三	大	三
紅司		甲	軍
峪縣		屯	堡
石王范馬三大下上上台廟	九	響小大二山安大大荒	道八里嶺
勒勒勒勒勒勒勒勒勒勒		甲河台村	屯子
門官馬風道坎英英魚魚		塘屯沿子後堡河屯子	腰
嶺廠屯溝子窩窩溝嶺		團後前小小玉蘇五榆樹錢子	屯
槎前石英樓康老孔楊大嶺孟大東四腰大小大山邦中傳	十	瓢井井王河山村堡屯	屯
木風安房家廟馬馬夾官房道茨女泡城頭魚溝		子	徐團教郭白水箭羅甜雙張攔
溝嘴子房峪限空屯身靈溝屯溝寨子子	一	子	家園子
梨媽前後前陳代二下小山頭土南嶺楊家南溝	二	子	子
樹媽腰腰馬子道佃房嘴道牛		子	子
溝街嶺嶺溝溝溝子身子溝溝溝後	三	子	子
計	四		計

海城縣志

十四

統計		
四		
二		
一五		
一九		
六九	金石鷲火石小大蘇羅趙雙安二小烏張葉劉王代獐 松松 家口鶴石嶺樹樹家家家廟家道寨 家山 溝溝 屯子溝嶺子 堡堡堡子堡溝嶺堡堡堡堡堡溝峪	黃麻郭候紅下善李松宋周瓦韓田拉小尹修老代姑魏珠 瓦兒家家嶺房馬瓦樹 木 家家牛子嫂家現 窰峪窰子子身堡房溝堡堡房堡堡房峪堡堡背溝石堡屯
一〇九		